

Oqaluuserisassanut nassuaat

(Inatsisartut Siulittaasuat)

Siunnersuuteqartup siunnersuummi immikkoortutut 173-itut normullip UPA2023-imut kinguartinneqarnissaanik qinnuteqarpoq.

Immikkoortup 173-p qulequtaraa: Meeqqat piitsuussusaannut, ajornartorsiutip annertussusaanut aamma ajornartorsiummut qanoq iliorluni qaangiiniarluni aaqqiissutissaq pillugu apeqquteqaat aallaavigalugu oqallinnissamik siunnersuut.

Immikkoortup 124-p aappassaaneerneqarnissaa novembarip ulluisa 22-annut kinguartinneqarpoq.

Immikkoortup 124-p qulequtaraa: Namminersorlutik Oqartussat Stockholmimi nunani tamalaani isumaqatigiisummut tunngatillugu Kalaallit Nunaannut nunamut nangaassuteqarneq atorunnaarsissagaat pillugu Inatsisartut aalajangiiffigisassaattut siunnersuut.

2023-mut aningaasanut inatsisissatut siunnersuutip pingajussaaneerneqarnissaa maanna novembarip ulluisa 21-annut inissinneqarpoq.

Oqaluuserisassani immikkoortup 119-ip aappassaaneerneqarnissaa maanna novembarip ulluisa 22-annut inissinneqarpoq.

Immikkoortup 119-ip qulequtaraa: Kalaallit Nunaanni pinerluttulerinermi inatsisip allangortinneqarnissaanut inatsimmut missingiutip (akuersissuteqaqqaarnissamik tunngavilimmik pinngitsaaliilluni atoqatiginnineq pillugu aalajangersagaq) Kalaallit Nunaanni Namminersorlutik Oqartussanit akuersissuteqarnissaa pillugu Inatsisartut aalajangiiffigisassaattut siunnersuut.

Oqaluuserisassani immikkoortut 22-ip 109-llu aappassaaneerneqarnissaat pingajussaaneerneqarnissaallu maanna novembarip ulluisa 17-iannut 22-annullu inissinneqarput.

Immikkoortup 22-p qulequtaraa: Aningaasarsianik akileraarutit pillugit Inatsisartut inatsisaata allangortinneqarnera pillugu Inatsisartut inatsisaat

Immikkoortup 109-p qulequtaraa: Soraarnerussutisiaqalernissamut aaqqissuussinermut peqataasussaatitaaneq pillugu Inatsisartut inatsisaata allannngortinneqarnera pillugu Inatsisartut inatsisaat

Naalakkersuisut oqaluuserisassanut immikkoortumik nutaamik 183-itut normulinnik siunnersuutinik tunniussivissaq qaangiutereersoq nalunaaruteqarput. Immikkoortup ulloq taanna tulleriissiinnarlugillu pingasoriarlugu suliarineqarnissaa qinnutigineqarpoq.

Immikkoortoq novembarip ulluisa 17-ianni pingasoriarlugu suliarineqassaaq. Immikkoortup 183-ip qulequtaraa: Pisortanit ikorsiissutit pillugit Inatsisartut inatsisaata aamma suliffissarsiortunut ikorsiissutit pillugit Inatsisartut inatsisaata allannngortinneqarneri pillugit Inatsisartut inatsisaat nr. xx. xx. xxxx 2022-meersoq.

Ilaasortat uku akornanni taasisarnerit pillugit isumaqatigiissuteqartoqarpoq:

Mariia Simonsen, Inuit Ataqatigiit aamma Siverth K. Heilmann, Atassut